

آسف يا مصر مش قادر أتحمل  
 مش قادر أفضل ساكت والدينا بتتكلم  
 مش عارف أيه... السبب مادام ده حق مشروع  
 وليه ورقة تعمل كدا وهية لسه مشروع  
 ياسيدى سيبه يحلم مادام حلم البشر مشروع

وبلاش تقولى فتنة وعمالة ورجالة المخلوع  
 بلاش تقولى خايف على البلد وأغلبية صامته يحركها الجوع  
 بلاش تكون فا كرني هصدقك مادمت زى اللى قبلك خنوع  
 ياناس كفاية زهقت من كل الكلام ده  
 زهقت من عمالة وايد خارجية جامدة  
 زهقت من بشر لظلم بشر شاكرة ربها وحامدة  
 زهقت من الغاز والموتوف وعيون شاردة ماليها الخوف  
 وناس بتلعن الميدان وناس عيشتها بقت الميدان  
 والبلطجة فيكى ألوان وداخلية قدام الثوار أسد  
 وقدام سيدها البلطجي قط جبان  
 أنا بقيت فيكى يا مصر شارد  
 وأنا اللى كان لى دم الشهيد ضوء شارد  
 وكانت الدنيا خلاص هتتحرك  
 وفجأة لقيت الخوف واقف ماليه الخوف  
 محتار فى دم شهيد وحكومة على الثوار أيدها حديد  
 وشعب صامت وشاب صامد  
 مش عارف بيرر دم سال  
 مش عارف ليه يا بلد حالك بقى حال  
 مش راضى ينصلح وكان ده محال  
 محال أن أسيبك وأسكت  
 محال أشوف الدم سايل  
 والخوف مابيينى وبين حريتى حايل  
 وأشوف برجك يا مصر مايل  
 أشوف منه ماسبير وا  
 أشوف كدبة حربية زمن مسخ عايشينه  
 أشوف ظلم ساكن فى البشر  
 أشوف صرخة مذيع الكلام فى زوره أتحشر  
 عايز يصرخ يقول الحقيقة  
 بس مش دى الحقيقة ده الكلام اللى عايزينه  
 لأ يا سيدى من النهاردة  
 عايزك تتكلم عايزك تصرخ من جواك ومن شباب مصر تتعلم  
 بلاش سكوت... بلاش خنوع  
 بلاش فى الضلعة جنب الستاير تولع شموع  
 بلاش تلون السواد بلاش تحرك نار تحت الرماد  
 بلاش تسكت وتقول موضوع أتفضل  
 لا ياسيدى شوف كام واحد اتقتل  
 مين اللى قتل..ليه اتقتل... لما تعرف أبقى اتكلم  
 بلاش من ابليس تاخذ دروس وتتعلم  
 كفاية عليك حب الوطن ومن الشهيد يا بن مصر اتعلم

## زيارة الصفحة الأصلية من الموضوع